

## Morning Dogri (NSD) National News Bulletin 02-12-2024

- प्रधानमंत्री नरेन्द्र मोदी होरें पुलस गी स्मार्ट पुलसै आला रौंह अपनाने लेई आखेआ ।
- उत्तर प्रदेश सरेकार नै प्रयागराज च महाकुंभ मेले आली थाहर गी नमां जिला घोषत करी दित्ता ऐ ।
- खजाना मंत्रालय नै आखेआ जे इस ब'रे अक्टूबर म्हीने यूपीआई ते 16.58 बिलियन आली लैन देने दी उपलब्धि हासल कीती ऐ ।
- भारत रियाद च होआ'रदे यूएनसीसीडी कॉप-16 च 197 होरने मुल्खें कन्नै हिस्सा लैग ।
- भारत नै जूनियर एशिया कप हॉकी प्रतियोगिता च दक्खन कोरिया गी 8-1 कन्नै हराइयै पूल-ए च शीर्ष थाहर हासल करदे होई सैमीफाइनल च पुज्जी गई ऐ ।
- विश्व शतरंज प्रतियोगिता दे 6में गेड़ च डी-गुकेश नै डिंग-लिंग खलाफ ड्रा खेड्डेआ ऐ ।

<><><><><><>

### PM-Bhuvneshwar

प्रधानमंत्री नरेन्द्र मोदी होरें भुवनेश्वर च पोलीस महानिदेशकें ते महानिरीक्षकें दे अखिल भारतीय सम्मेलन दे अखीरले दिन बक्ख-बक्ख राज्यें ते केंद्र शासित प्रदेशें दे सुरक्षा कन्नै जुड़े दे महत्वपूर्ण मामलें पर विचार कीता । प्रधानमंत्री नरेन्द्र मोदी होरें डिजिटल धोखाधड़ी, साइबर अपराध ते आर्टिफिशियल इंटेलिजेंस प्रौद्योगिकी, विशेषकर डीप फेक करी पेदा होए दे गंभीर खतरें पर चिन्ता जाहिर कीती । प्रधानमंत्री होरें नमी तकनीकें दे इस्तेमाल पर जोर पाया । उने पुलिस थानें गी संसाधन आवंटन दा केंद्र बिंदु बनाने दा सुझाह दिता प्रधानमंत्री होरें पुलिस नेतृत्व राएं डिजिटल जालसाजी, साइबर अपराध ते आर्टिफिशियल इंटेलिजेंस करी पेदा होई सकने आली चुनोतिएं कन्ने निबने आस्तै भारत दी प्रौद्योगिकी क्षमता दोगुनी करिए इस चुनौती गी मौकें च बदलने दी अपील कीती । मुख्ख तौर पर साइबर अपराध, तटीय सुरक्षा ते माओवादी आतंकवाद कन्नै निब्बड़ने पर चर्चा होई । केंद्री गृह मंत्री अमित शाह, केंद्री गृह सचिव गोबिंद मोहन, राष्ट्रीय सुरक्षा सलाहकार अजीत डोबाल होर बी सम्मेलन च मौजूद हे ।

सम्मेलन च राष्ट्रीय सुरक्षा कन्नै जुड़े दे महत्वपूर्ण मामलें कन्नै निब्बड़ने लेई रणनीति तैयार करने पर मता ध्यान दित्ता गेआ ऐ जिदे च नमी तकनीकें जिआं कि कतवदमे ते Artificial Intelligence करी पैदा होआ रदी चुनौतिएं कन्नै निब्बड़ना शामिल ऐ। एहदे अलावा आतंकवाद दा मुकाबला करने लेई अपनाई जाने आहली रणनीति पर बी देश दे उच्चे पोलीस अधिकारिएं ते बक्ख-बक्ख सुरक्षा एजेंसिएं दे प्रमुखें आसेआ विचार कीता गेआ। प्रधानमंत्री होरें होरनें कन्नै पोलीस दे कार्रवाइएं सरबंधी ते मूल ढांचागत सुविधाएं सरबंधी मुद्दें पर गल्लबात कीती। प्रधानमंत्री नरेन्द्र मोदी होरें पुलस गी स्मार्ट पुलसै आला रौह् अपनाणे लेई आखेआ।

<><><><><><>

UP

उत्तर प्रदेश सरेकार नै प्रयागराज च महाकुंभ मेले आली थाहर गी नमां जिला घोषत करी दित्ता ऐ। नमें जिले दा नां महाकुंभ मेला रखेआ गेआ ऐ। एह फैसला औंदे महाकुंभ मेले दे प्रबंधन ते बवस्था गी सुचारु बनाने लेई लैता गेआ ऐ। प्रधानमंत्री नरेन्द्र मोदी ते उत्तर प्रदेश मुख्मन्त्री योगी आदित्यनाथ होरें मग मेले 2024 दरान इस बारे अपनी मंशा जाहर कीती ही। महाकुंभ मेला 12एं बरें च इक बारी लगदा ऐ ते इस बारी एह 13 जनवरी 2025 गी शुरू होग ते 26 जनवार 2025 तोड़ी चलोग।

<><><><><><>

UPI

यूनिफाइड पेमेंट्स इंटरफेस- यूपीआई राएं इस बरे अक्तूबर च 16 अरब 58 करोड़ माली लैनदेन होआ ऐ। छड़ा इक म्हीने च यूपीआई राएं इस लैनदेन च लगभग 23 लाख 49 हजार करोड़ रपे दा भुगतान कीता गेआ। पिछले बरे अक्तूबर दी तुलना च एह 45 फीसद बद्ध ऐ।

<><><><><><>

MEAI

सूचना ते प्रसारण मंत्रालय नै मीडिया ते मनोरंजन संघ दे सहयोग कन्नै नमी दिल्ली च वेब्स एनीमे ते मंगा प्रतियोगिता दा आयोजन कीता।

इस कार्यक्रम च जापानी शैली दी कॉमिक्स- मंगा, डिजिटल कॉमिक्स-वेबटून ते जापानी शैली दी एनीमेशन-एनीमे सनें बक्ख बक्ख श्रेणियों च लगभग इक सौ 99 प्रतिभागियों हिस्सा लैता। इसदे च 28 कॉस्प्ले ते वॉयस-एक्टिंग प्रतिभागियों बी हिस्सा लैता। इस कार्यक्रम च भारत दे पैहले एनीमे, ट्रायो-(TRIO) दी इक झलक बी दस्सी गई। इस कार्यक्रम दा मुख्क मसकद भारत गी मंगा, एनीमे ते वेबटून आस्तै इक वैश्विक केंद्र बनाना ते देशै दे रचनात्मक लोकें गी प्रेरित करना ते सशक्त बनाना ऐ।

<><><><><><>

## COPE-16

मरुस्थलीकरण दी रोकथाम आस्तै संयुक्त राष्ट्र संधि च शामिल देशें दा 16मां सम्मेलन अज्ज सरुदी अरब दे रियाद च शुरू होआ र दा ऐ। पैहली बारी पश्चिम एशिया इस महत्वपूर्ण सम्मेलन दी मेजबानी करा र दा ऐ। भारत, इस संधि दी 30मीं बरे गंड पर आयोजित सम्मेलन च 197 होरनें मुख्क कन्नै शामिल होग। एह सम्मेलन 13 दिसंबर तक चलोग ते बक्ख बक्ख मुख्क दी सरकारें,कारोबारिएं ते नागरिक समाज गी स्थाई जमीन दे प्रबंधन पर आपसी सहयोग ते तालमेल लेई वैश्विक मंच उपलब्ध कराग। जलवायु परिवर्तन कन्नै निबडने आस्तै भारत दे जतन पूरी दुनिया आस्तै संभावित मॉडल दा कम्म करी सकदे न।

<><><><><><>

## RNU Annoncement

आकाशवाणी दा क्षेत्रीय समाचार एकांश जम्मू ओंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6 दिसम्बर गी बडलै साढ़े 9 बजे 30एं मिंटे दा इक विशेष कार्यक्रम प्रसारत कीता जाग जेह्दे क्षेत्रीय समाचार एकांश दी भूमका, जिम्मेवारिएं ते कम्म करने दे तौर तरीके दे इलावा, इत्थे कम्म करी चुके दे अधिकारिएं कन्नै गल्लबात बी शामिल होग। अपने कर्मिएं दी होसला अफजाई लेई ऐकती स्थापना दिवस दे मौके पर उनेंगी सम्मानित बी कीता जाग जिंदे च 2024 ब'रे दे बेह्तरिन समाचार सम्पादक, डोगरी ते गोजरी दा बेह्तरिन समाचार वाचक ते अनुवादक, बेह्तरिन जिला संवाददाता ते जनरल स्टाफ श्रेणी च बेह्तरिन कर्मी शामिल ऐ।

इस मौके पर 2024 आले लोकसभा ते विधानसभा चुनावें दरान आकाशवाणी दे विशेष कार्यक्रमें लेई सैह्योग ते योगदान देने आलें गी बी सम्मानित कीता जाग ।

<><><><><><>

President

राष्ट्रपति द्रौपदी मुर्मु होर अंतर्राष्ट्रीय दिव्यांगजन दिवस पर राष्ट्रीय दिव्यांग जन सशक्तिकरण पुरस्कार भेंट करडन। कुल 22 व्यक्तियें ते 11 संस्थानें गी राष्ट्रीय पुरस्कार कन्नै सम्मानित कीता जाग। सामाजिक न्या ते अधिकारिता मंत्री डॉ. वीरेन्द्र कुमार होर इस मौके पर दिव्यांगजने दे सशक्तिकरण आस्तै नेकां कल्याणकारी योजनाएं दी शुरुआत करडन। सर्वश्रेष्ठ दिव्यांगजन श्रेणी च व्यक्तिगत उत्कृष्टता स्तै इस बरे अमर जैनहोरें गी राष्ट्रीय पुरस्कार दिता जाग। ओह नेई दिक्खी सकने आले लोकें गी कनूनी सलाह उपलब्ध करोआन्दे न।

<><><><><><>

South Korea Hockey

ओमान दे मस्कट च जूनियर एशिया कप हॉकी दे पूल ए च कल भारत नै दक्षिण कोरिया गी 8-1 कन्नै हराई दिता ऐ। अर्शदीप सिंह होरें हैट्रिक लाई जिसलै कि अरिजीत सिंह हुंदल होरें भारत आस्तै 2 गोल कीते। गुरजोत सिंह, रोशन कुजूर ते रोहित नै इक-इक गोल कीता। दक्षिण कोरिया आस्तै इक मात्र गोल तहियोन किम नै कीता। इस जित्त कन्नै भारत सेमी फाइनल्स च पुज्जी गेआ ऐ। भारत दा अगला मुकाबला मलेशिया कन्नै होग।

<><><><><><>

Chess

विश्व शतरंज प्रतियोगिता दे 6में गेड़ च भारतीय ग्रैंडमास्टर डी-गुकेश ते चीन दे डिंग-लिंग बश्कार मकाबला झा उप्पर समाप्त होआ। दौनें खडारिएं बश्कार एह लगातार त्रीआ झा ऐ। दौनें खडारिएं गी प्रतियोगिता जित्तने आस्तै साढ़े 4 अंकें दी लोड़ ऐ।

<><><><><><>

## Badminton

बैडमिंटन च लखनऊ च सैयद मोदी अंतरराष्ट्रीय टूर्नामेंट च भारतीय बैडमिंटन खडारी पी.वी सिंधु ते लक्ष्य सेन गी सिंगल्स चैंपियन्स दा खिताब करी लैता ऐ। 2 बारी दे ओलंपिक पदक विजेता ते शीर्ष वरीयता प्राप्त सिंधू होरें अज्ज फाइनल चीन दी वू लुओ यू गी 21–14, 21–16 कन्नै हराया ते महिला एकल दा खिताब जित्ती लैता। लक्ष्य सेना नै फाइनल च सिंगापुर दे जिया हेंग जेसन तेह गी 21–6, 21–7 कन्नै हराइयै पुरुष एकल खिताब जित्ती लैता। इस थमां पैहले भारतीय जोड़ी ट्रीसा जॉली ते गायत्री गोपीचंद नै महिला युगल दा खिताब जित्ती लैता हा। दुई वरीयता प्राप्त भारतीय टीम नै समिट क्लैश च चीनी जोड़ी गी 21–18, 21–11 कन्ने हराया पर भारतीय पुरुष युगल जोड़ी पृथ्वी कृष्णामूर्ति राय ते साई प्रतीक दे कन्नै तनीशा क्रास्तो ते ध्रुव कपिल दी मिक्स डबल्स टीम नै उपविजेता दे तौरा पर अपने अभियान दा समापन कीता।

<><><><><><>

## TRAI

सरकारै अज्ज घोषणा कीती ऐ जे भारतीय दूरसंचार नियामक प्राधिकरण— ट्राई नै टेक्स्ट सनेहे दे सुरक्षित प्रसारण ते कमर्शल सनेहें गी भेजने आला दा पता लाने गी यकीनी करने आस्तै केई उपा लागू कीते न। सनेह ट्रैसेबिलिटी च सुधार करने आस्तै ट्राई नै अगस्त च ट्रैसेबिलिटी दिशानिर्देश पेश कीते हे, जिसदे राए सारे एक्सेस प्रदाताएं गी कमर्शल सनेहे भेजने आले दा पता लाने दी लोड ऐ। कंपनियें गी शुरू च इसी अपनाने ते लागू करने आस्तै 28 अक्टूबर तका दा समां दिता गया हा पर मगरा एह समे सीमा 30 नवम्बर तक बदाई दिती गई। मंत्रालय नै आखेआ ऐ जे 11 दिसंबर सोयां ऐसे कुसै बी सनेह गी खारिज करी दिता जाग जित्थे टेलीमार्केटर्स दी श्रृंखला परिभाषित नेई ऐ यां फीह पैहले सोयां तय श्रृंखला कन्नै मेल नेई खन्दी।

<><><><><><>